

Partnerskapsavtale

mellom

Alver kommune og Nordhordland Næringslag

1. Formål

Alver Kommune og Nordhordland Næringslag (NONL) skal samarbeide om å styrke det regionale næringsutviklingsarbeidet generelt og tiltak/satsingar retta mot næringsutvikling i Alver spesielt.

2. Målsettingar

Partnerskapsavtalen skal medverke til å realisere kommunale mål og strategiar for næringsutvikling knytt til bransje og sektorovergripande satsingar, slik dette er formulert i gjeldande planar på området.

Partnerskapen skal også medverke til å nå NONL sine målsetningar om å fremje næringslivets behov særleg innan samferdsle og infrastruktur, næringsareal, kompetansebygging og utvikling av Nordhordlandsregionen.

3. NONL sine oppgåver og bidrag i partnerskapen

NONL skal som ein del av sitt virke bistå med:

- Arbeid/oppgåver knytt til strategiane og eventuelle innsatsområde i kommunalt planverk som gjeld næringsutvikling
- Arbeid/oppgåver knytt til kommunal plan for kompetanse og arbeidskraft
- Arbeid/oppgåver knytt til innovasjonsaktiviteten i regionen
- Arbeid/oppgåver knytt til utvikling og anvendeleg kunnskap i regionen som grunnlag for entreprenørskap, investeringar, nyskaping og omstilling.
- Fagleg støtte til politisk og administrativ leing i saker som angår næringslivet

4. Kommunen sine oppgåver og bidrag i partnerskapen

Som delvis finansiering av oppgåvene nemnt under punkt 3 skal kommunen yte eit årleg økonomisk bidrag. Dei kommunale partnerskapsmidlane skal utbetalast innan 1. april kvart år. Partnerskapsmidlane er ikkje til hinder for at **NONL** kan søke prosjektfinansiering til konkrete utviklingsprosjekt.

Kommunen deltek på administrativt og/eller politisk nivå i aktivitetar og prosjekt som partnaren er ansvarleg for etter nærare avtale.

Kommunen vil ta ansvar for å sikre god samhandling med partner relatert til kommune sin overordna og strategiske planlegging.

Der kor det er naturleg, skal kommunen medverke til at **NONL** kan dra nytte av dei ressursane og den kompetansen som kommunen sjølv, og kommunen sine andre samarbeidspartnarar rår over.

5. Organisering av arbeidet

Det blir lagt til grunn at arbeidet blir gjort i nært samarbeid med administrativ og politisk leing i kommunen. Ut over dette er det opp til partner å avgjere kven dei vil samarbeide med og korleis dei vil organisera og drive arbeidet

6. Rapportering

Fortløpande rapportering og dialog skjer gjennom regelmessige møte mellom partner og kommunen, og minst 2 gonger pr år.

I tillegg skal **NONL** også sende årsmeldinga og revisorattestert årsrekneskap, til kommunen så snart dette ligg føre.

7. Tidslengd, beløp, oppseiing og innsyn

Denne avtalen gjeld i 2 år frå 2022-2023, med eit årleg partnarskapsbidrag på kr 100 000,- .

Kommunen og NONL gjennomfører ei evaluering av avtalen innan oktober i kvart kalenderår. Innan oktober 2022 skal partane vurdere om avtalen skal vidareførast.

Større endringar i organisering, eigarskap eller overordna strategi for **NONL** gir kommunen rett til å reforhandla eller seie opp partnarskapsavtalen.

Ved mislighald kan begge parter seie opp avtalen med 1 månads varsel.

Dersom **NONL** blir lagt ned eller misligheld avtalen, kan kommunen krevje heile, eller deler av, partnarskapsmidlane tilbakebetalt.

Kommunen eller kommunen sin revisor har til ei kvar tid høve til å kontrollere at vilkåra for tilskottet blir helde. **NONL** plikter å gje dei opplysningane som fylkeskommunen ber om.

Isdalstø

For **Alver kommune**

For **Nordhordland Næringslag**

.....
Sara Hamre Sekkingstad
Ordførar

.....
Baste Tveito
Dagleg leiar